

NotiOCA

Bon bini 2015

Boso por imagina cu nos ultimo "Noti-OCA" a sali dia 23 di Mei 2014? Y cu awe mas di 7 luna despues ata Noti-OCA" #8 ta aparece? Nos ta spera cu e tin basta informacion pa satisface boso curiosidad. Si tin informacionnan cu boso ta desea pa nos publica den futuro, please manda nos un mail of yama y nos lo hasi nos best den redaccion.

Directiva di OCA kier desea tur su miembronan y nan famia, pero tambe tur caballista un feliz año cu hopi salud. Cu nan esfuersonan por resulta den nan satisfaccion. **For di awor OCA ta pidi tur miembro pa tene Diasabra dia 31 di e luna aki liber pa un brindis di año nobo na Villa Floralina ofreci pa directiva di OCA.** Invitacion ta sali pa un encuentro di 7'or pa 9'or di anochi y lo pidi tur caballista pa presenta cu nan cabay pa asina duna e anochi e ambiente caballista.



Cresiendo, sigiente generacion di Aruba.

Aña 2014 no tabata e mihor año pa OCA, ni pa nos deporte di cabay. Aunke cu tabatin importacion, e cantidad di cabai cu a nace tabata remarcabelmente abao, esta algo di 4.

E año aki ta hopi diferente. Na Villa Floralina so nan ta spera nacemento di 12 potro. Interesante ta cu e gran mayoria di e crianan nobo ta di cabainan renombra. Esaki ta sona den nos orea como un intent serio pa yega na un raza superior. Nos no tin tur dato, pero tog nos no kier priva boso di e informacionnan cu ta na nos disposicion. Asina nos por menciona cu "Anastacia" y "Tartarina" ta priña pa "Sublime de Doña Lola" (campeon mundial), "Conquistadora de la Galia" y "Lila de Villa Floralina" ta priña pa "Tormento de la Duquesa", "Amatista de Villa Floralina" ta cargando un barica di "Diseño del Rincon", "La Orquidea de Villa Floralina" ta sperando yiu di "Seductor del Angel" (campeon nacional di Colombia), "La Chiquiquira ta priña pa "Avatar", "La Ultima" ta sperando di "DaVinci" y "La Noche" di "Elegido de Villa Floralina". Hasta e burico pinta ta priña.

DEN E EDICION AKI:


Bon bini 2015	1
Reproduccion	1
Logro historico!	2
Potro di Mito	2
Ritmico pa Corsow	2
Aspafico y OCA	3
Edificio nobo pa VF	3
Confepaso	4
Huez pa Aruba	4
Fin di Cabalgata?	5

Punto nan di interes:

- E prome transplant di embrio haci na Aruba!
- Mario Heinsen lo trese cambio pa Confepaso.
- Ta parse cu e cruze "Nirvana" X "Mito de libano VO" ta bay resulta den un tremendo cabay pa Aruba y su doño Sr. Lucho Claro.

Prome transplante

Nos kier participa apart como un hecho historico cu e prome transplante di embrio a tuma lugar na Aruba y cu exito. "La Bienvenida" a recibi exitosamente e embrio di "Insomnio" den "Tartarina" y esaki sigur ta algo cu lo keda marca como un logro y alabez ta habri caminda pa otro den futuro. E tecnologia ta na Aruba.



Potro prometedor

Si den futuro bo tende e nomber "Majico" bo mester recorda riba "Noti-OCA". Algun anja atras Lucho Claro a adqueri di Norman Arends e yewa "Nirvana" cu tabata hospeda na Rionegro, Colombia. Lucho a laga dek e yewa cu "Mito" prome cu el a trese Aruba. Aki ela duna luz na e potro cu a haya e nomber di "Magico". Mientras tanto e potro a crese y a desaroya su mes den un ehemplar di bon estatura. Na comienso di su adiestramiento e no tabata muestra nada, pero segun e tabata cogiendo confianza den e proceso el a bai cresiendo tambe bao di guia di su arendador Guillermo Huigita. Nos a tende comentario cu posibelmente "Magico" ta e mihor potro cu a nace na Aruba. Lucho mes ta mas reserva y poco cauteloso den su apreciacion, alertando cu e potro ta delicado y cu mester hibe cu hopi pasenshi, pero ta admiti cu e potro ta "querido".

Compra y Benta

Compra y Benta Tambe tin ehemplarnan cu a cambia di donyo. Asina nos por menciona cu Criadero Alma a bende cu Corsow tanto "Ritmico" como "Anaconda" y ambos ehemplar ya ta na Corsow. Especialmente "Ritmico" tabatin un bon carera na Aruba. Alex Mansur tambe tin "Caramelo" (yiu di Candil y ruman di Flor) na benta. Milton Thijzen a bolbe drenta e deporte di cabai y a compra "Chimera" (Chino Azul x Mecanica) y proximamente lo start un criadero na Savaneta. Otro ehemplar cu ta na benta ta "Elegido de la Gota" y por tuma contacto cu Myron Wever. Villa Floralina tin diferente cabai na benta, pero tambe barica di varios yewa.



Fortificando lazo

No ta un secreto cu nos a pasa den un epoca di un relacion friew entre OCA y Aspafiko, pero ambos organisacion tin seriamente pensa pa pone un strepi tras di esaki y cuminsa un relacion ainda mas estrecho cu den pasado. Un relacion di cooperacion mutuo riba diferente tereno cu lo beneficia e caballista di ambos isla. Pa basta tempo e dos directivanan kier a bin hunto y pa esaki no keda djis blah-blah, directiva di OCA a tuma e iniciativa pa invita e directiva di Corsow pa asina Diasabra dia 31 di Januari nan por reuni riba un agenda ambicioso y e mesun anochi e directivanan lo por topa e caballistanan di Aruba den un ambiente social. E invitacion aki a keda acepta y Corsow lo ta na Aruba fin di luna! Corsow y Aruba tin vincula cu ta bay atras hopi aña. Dia cu a funda OCA mas di 30 anja atras, un di e prome cosnan cu Tom Pietersz y Lucho Claro a hasi ta viaha pa Corsow pa anima cabalistanan prominente manera Renaud Cijntje, kende nos por considera e tata di cabainan di paso na Corsow. Tambe a topa personahenan manera Hugo Bakhuis y Stanley Ignacio. E bishita tabata fructifero ya cu a logra e proposito di e viahe, pa e caballistanan na Corsow re-agrupa y habri un era di hopi amistad y hopi intercambio, manera “Interpaso” y “Inter”.



Silladero nobo

Villa Floralina ta sigui expande y embeyese su facilidad. E ultimo adquisicion ta e construccion di un “silladero” nobo. Gerencia di e criadero tabatin e idea pa algun tempo caba pa saca e silladero for di e centro di e stalnan. Awor nan a construi un silladero y bañadero pariba di e complex di stalnan cu un espacio mas amplio y saca e congestion for di e stalnan. E construccion ta practicamente cla y e ta kedando masha bunita cu mas lugar pa ensilla un cabay. Tambe e facilidad nobo lo aloha un “brete” pa trata cabainan cu mester di un examen medico. Lo tin espacio pa hende sinta, mientras cu e actividad di apera, silla y monta e cabay

Confepaso mas dinamico

Confepaso mas dinamico E federacion mundial di cabai "Confepaso" a pasa den un epoca cu hopi ta sinti como torbulento. Otro ta sinti cu e tabata anjanan sin un rumbo defini y tabata bula mas bien di un feria mundial pa e otro, sin plannan visionario. Cualker sea e opinion, e yegada di e Dominicano Mario Heinsen na e presidencia ta tresiendo un cambio grandi cu su dinamismo. Presidente Heinsen a cuminsa pa lanta un oficina official di Confepaso na Panama cu su propio personal administrativo. A scohe e pais aki no pa su expertisio caballista, sino mas pa e facilidadnan, acesibilidad, neutralidad y economia cu e ta ofrece. E ta preparando hopi duro pa e proximo Mundial bira algo extraordinario y inolvidable. E evento aki ta pacta pa luna di November na e capital di Republica Dominicana. Heinsen ta haciendo e gestionnan pa tur e campeonnan nacional di Colombia den tur modalidad ta presente y cu e lo paga tur e gastonan. Ademá e ta hasiendo gestionnan igual cu IOC hasi, pa tur pais miembro ta representa na e Mundial. Esaki lo dune e estampa real di un campeonato mundial.



J
e
m
i
n
a
F.



L
e
a
V.



Huez local

For di anja pasa dos persona a informa y solicita na OCA pa considera nan aspiracionnan pa bira huez, siguiendo e curso di huez. Ta trata di Jemina Figaroa y Lea Vinck. Ambos ta caballista. Lea a caba di regresa di su studio como dokter y ta trahando awor como medico na hospital. Jemina ta un di e gerentenan di Hooters. Directiva di OCA ta sondeando ki ta e mihor forma pa nan sigui e curso den exterior y localmente.

Mester ta un preparacion cu lo duna tanto nan como OCA e garantia cu na final di nan preparacion OCA lo por ta orguyoso di nan. Personanan respeta y admira pa nan conocimiento, honestidad, dignidad y responsabilidad. E carera di huez ta varia masha hopi entre e paisnan, cu Colombia como esun mas serio, pero tambe esun cu e curso mas largo. Ta buscando un combinacion ideal mirando e costo cu lo ta involvi pa e participantenan. Bunita lo ta si ambos por logra nan meta, ya cu na e momento aki Aruba no tin su huez propio.

Cabalgata non-grata?

O.C.A.

Oranjastad

Aruba

Phone:

(+297) 594-2495

Fax:

(+297)582-3005

E-Mail:

ocaboard@ocaruba.
com

Nos website:

<http://www.ocaruba.com/>

Cabalgatanan a haya un denominacion negativo na Colombia y ta bao di amenaza. Cos a bira asina malo cu un gran cantidad di municipio ta rechazando peticionnan pa tene e cabalgatanan tradicional. Aki ta papia di cabalgatanan di miles di cabai. E argumento basico ta cu e tin un costo financiero pa e municipionan manera overtime pa polis y esnan cu mester hasi limpi, pero tambe e hecho cu e ta stroba e trafico tradicional. E keho mas grandi sinembrago ta riba hendenan cu ta bebe demasiado y bira burachi y e maltrato di cabaynan durante e cabalgata largo. Di otro banda e eventonan aki ta genera trabao y entrada na masha hopi hende, di esnan cu ta pone hero, te na esnan cu ta transporta y maneha e cabainan. E tin un impacto economico grandi pa e comunidad. Ta buscando poco-poco con pa yega na mihor control pa asina tur hende por ta contento. No por perde di bista cu cabalgata ta un parti di e tradicion y cultura na Colombia y no por djis elimine sin trata na busca forma con pa regule den un forma satisfactorio!

Boso a keda berdad casi 8 luna sin "Noti-OCA". Pesey ela bira asina largo. Corda cu e programa annual di actividad di OCA ta riba e mercado y si bo no a mir'e, djis dal un grito! No lubida cu 2015 ta e anja di "Interpaso 30".



Tokante nos Organizacion

E Organisation Caballistico Arubano OCA a wordo funda na aña 1985. Meta principal ta pa fomenta e deporte di cabaynan di paso fino, e caballada y aficionadonan aki na Aruba.